

**REPUBLIC OF THE PHILIPPINES  
BATANGAS CITY**

**OFFICE OF THE SANGGUNIANG PANLUNGSOD**

**EXCERPT FROM THE MINUTES OF THE REGULAR SESSION HELD BY THE  
MEMBERS OF THE SANGGUNIANG PANLUNGSOD OF BATANGAS CITY  
ON JUNE 11, 2019 AT THE SANGGUNIANG SESSION HALL**

**PRESENT:**

Hon. Angelito “Dondon” A. Dimacuha,	Acting Presiding Officer
Hon. Sergie Rex M. Atienza,	Councilor
Hon. Hamilton G. Blanco,	“
Hon. Alyssa Renee A. Cruz,	“
Hon. Oliver Z. Macatangay,	“
Hon. Armando C. Lazarte,	“
Hon. Karlos Emmanjuel A. Buted,	“
Hon. Julian B. Villena,	“
Hon. Gerardo A. Dela Roca,	“
Hon. Nestor E. Dimacuha,	“
Hon. Nelson J. Chavez,	“
Hon. Julian Pedro M. Pastor,	“
Hon. Marjorie A. Manalo,	SK-Fed. Pres.
Hon. Emilio Francisco A. Berberabe Jr., O.B.	Presiding Officer
Hon. Aileen Grace A. Montalbo,	Councilor

“On motion of Councilor Atienza seconded by Councilor Villena, the following Resolution was Adopted:

**RESOLUTION NO. 162 S. 2019**

**APPROVING BARANGAY ORDINANCE NO. 1 S. 2019 OF BARANGAY  
GULOD ITAAS, BATANGAS CITY CREATING BARANGAY RABIES CONTROL  
COORDINATING COMMITTEE NAG-AATAS NG LAHATANG PAGPAPATALA AT  
PAGBABAKUNA NG MGA ASO, PAGKONTROL SA MGA WALANG BAKUNA,  
MAYSAKIT AT PALABOY O PAWALANG ASO SA SAKOP NG BARANGAY**

**RESOLVED**, to approve the Barangay Ordinance No. 1 S. 2019 of Barangay Gulod Itaas, Batangas City, entitled: “Ordinansang Nagtatatag ng Barangay Rabies Control Coordinating Committee, Nag-aatas ng Lahatang Pagpapatala at Pagbabakuna ng mga Aso, Pagkontrol sa mga Walang Bakuna, Maysakit at Palaboy o Pawalang Aso sa Sakop ng Barangay”.


**UNANIMOUSLY APPROVED.”**

Continuation of Resolution No. 162 S. 2019


**APPROVING BARANGAY ORDINANCE NO. 1 S. 2019 OF BARANGAY  
GULOD ITAAS, BATANGAS CITY CREATING BARANGAY RABIES CONTROL  
COORDINATING COMMITTEE NAG-AATAS NG LAHATANG PAGPAPATALA AT  
PAGBABAKUNA NG MGA ASO, PAGKONTROL SA MGA WALANG BAKUNA,  
MAYSAKIT AT PALABOY O PAWALANG ASO SA SAKOP NG BARANGAY**

---

I hereby certify that the foregoing Resolution No. 162 S. 2019 was approved by the Sangguniang Panlungsod of Batangas City during its Regular Session held on June 11, 2019.

  
**ROSEMARIE T. HERNANDEZ**  
Board Secretary IV  
Sangguniang Panlungsod

**NOTED:**

  
**ATTY. OLIVA D. TELEGATOS**  
Secretary  
Sangguniang Panlungsod

**ATTESTED:**

  
**ANGELITO "DONDON" A. DIMACUHA**  
Acting Presiding Officer

ODT/RTH/ystingchuy...



Republika ng Pilipinas  
Lungsod ng Batangas  
Sangguniang Barangay



GULOD ITAAS

ORDINANSANG PAMBARANGAY BILANG 1  
Hanay ng 2019

**Ordinansang nagtatag ng Barangay Rabies Control Coordinating Committee. Nag-aatas ng lahatang pagpapatala at pagpapabakuna ng mga aso, pagkontrol sa mga walang bakuna, maysakit, at palaboy o pawalang aso sakop ng Barangay Gulod Itaas.**

**Sapagkat**, ang rabis ay isang sakit na nakamamatay at malaki ang tulong na magagawa ng mga tao upang ito ay maiwasan.

**Sapagkat**, katungkulan ng Pamahalaang Barangay na pangalagaan ang kalusugan ng kanyang mga mamamayan, kasama ang pagsusulong ng mga programang pang-kalusugan para sa bawat naninirahan sa barangay.

**Sapagkat**, ang Ordinansang Panglungsod Bilang 02, na nagtatag ng City Rabies Coordinating Committee ay aprobado at ipinatutupad na simula pa noong 1997, ngunit hanggang ngayon ay wala pang seryosong aksyon ang mga mamamayan tungkol ditto, patunay ang mga asong may sakit at walang bakuna na malayang gumagala sa mga lansangan at kapookan ng lungsod, at ang patuloy na dumaraming insidente ng rabis sa lungsod ng Batangas.

**Ngayon, Dahil Dito**, sa bisa ng kapangyarihang iginawad ng batas, pinagtitibay ng Sangguniang Barangay ng Gulod Itaas, Lungsod ng Batangas, ang mga sumusunod;

**Seksyon 1. Maikling Titulo**

Ang Ordinansang ito ay makikilala bilang "Ordinansang Pambarangay Laban sa Rabis"

**Seksyon 2. Pagtatatag ng Barangay Rabies Control Coordinating Committee.**

Ang Barangay Rabies Control Coordinating Committee ay bubuuin ng mga sumusunod:

Punong Barangay: ALBERTO A. DE OCAMPO

Mga Kagawad: JOVITA B. GELI  
ANTONIO B. BERAÑA  
ARLYN R. CUETO  
LEONARDO A. CUETO SR.  
ARTURO P. ANTONIO JR.  
DEMOCRITO C. MAGADIA  
LEA P. DONGON

**Seksyon 3. Mga Tungkulin ng Komite**

- a) Gumawa at magpatupad ng mga alituntunin at bumalangkas ng programa upang makontrol ang rabis sa Barangay.
- b) Gumanap bilang tagapag-ugnay ng mga local na pinuno at mga mamamayan upang magkaisa sa pagsugpo sa rabis.
- c) Gumawa ng sistematikong pagsubaybay, pagtaya at pag-uulat ng nagawa kaugnay na programa at pagkontrol sa rabis.
- d) Magpakalat ng mga babasahin at mga impormasyon tungkol sa rabis
- e) Pamahalaan ang pagtatago ng pagmimintine ng Barangay Dog Pound.

#### **Seksyon 4. Tungkulin at Pananagutan ng may-ari o nag-aalaga ng aso**

- a) Pagrehihistro ng alagang aso sa tanggapan ng Punong Barangay sa loob ng dalawang (2) Linggo matapos itong maipanganak o simula sa pagdating nito sa barangay
- b) Iulat sa Tanggapan ng Punong Barangay ang pagkawala, pagkamatay, o pagkalipat ng tirahan ng aso
- c) Pabakunahan ang alagang aso sa lisensyadong beterinaryo kapag ito'y sumapit sa edad na tatlong (3) buwan at ulitin ang pagpapabakuna sa bawat taon.
- d) Ang may-ari o nag aalaga ng aso ay mahigpit na inaatasang itali o ikulong ang alagang aso upang maiwasan ang pagkahawa sa sakit na dala ng asong lumalaboy sa mga kalye at kapookan at upang maiwasan na ito'y makakagat sa sino man,
- e) Kapag nakakagat ang alagang aso, ang may-ari ang sasagot sa lahat ng gastos ng pagpapagamot at pagpapa eksamen sa asong nakakagat. Kung ang nakakagat ay rehistrado, nakatali, o nakakulong, o nasa matibay ba bakuran paligid ng bahay ng may-ari, kailanga'y pag-usapan at magkasundo ang may-ari ng aso at biktima ng pagkagat sa paraan ng pagpapagamot at pagpapa-eksamen.

#### **Seksyon 5. Bayad at katibayan sa Rehistrasyon**

- a) Ang bayad sa rehistrasyon ay P20.00 bawat aso ng babayaran sa Ingat-Yaman ng barangay kapalit ang opisyal na resibo. Mula ditto ay animnapung porsyento (60%) ay mapupunta sa Ingat-Yaman ng Lungsod at ang natitirang apatnapung porsyento (40%) ay gagamitin ng barangay para sa puspusang pagpapatupad ng ordinansang ito sa iba pang proyekto nito.

#### **Seksyon 6. Sentrong Patalaan sa mga Aso**

Ang Punong Barangay ay may katungkulan na isumite ang talaan ng nairehistrong aso sa tuwing ikatlong buwan (3) sa Central Dog Registry na matatagpuan sa Office of the City Veterinary and Agricultural Services. Kasama sa ulat ang talaan ng mga namatay, nawala at nagpalipat ng tirahan ng mga rehistradong aso sa bahay.

#### **Seksyon 7. Pagpapabakuna ng mga Aso**

- a) Ang bawat aso na may edad na tatlong (3) buwan pataas ay kailangang pabakunahan laban sa rabis ng minsan sa isang taon. Ang mga tuta ay unang babakunahan pagsapit niya sa edad na tatlong (3) buwan.
- b) Ang bawat asong mababakunahan ay lalagyan ng matibay na tag upang madaling makilala at maibukod sa walang bakuna.
- c) Ang may-ari ng aso ay bibigyan ng sertipikasyon ng pagbabakuna. Ito ay dapat na laging handa upang ipakita sa nagpapatupad ng ordinansa kung kinakailangan.

#### **Seksyon 8. Pag-uulat ng insidente ng Pangangagat ng Aso.**

Ang taong nakagat ay inaatasang mag-ulat ng pangyayari sa loob ng apatnapu't walong (48) oras sa Barangay Health Worker, Barangay Tanod o sa sinumang Kagawad ng Barangay sa agad naming ipadala ang ulat sa Barangay sa Rabies Control Coordinating Committee.

#### **Seksyon 9. Panghuhuli, Pagpapakulong at Pagpatay sa mga Asong Gala**

- a) Ang Barangay Rabies Control Coordinating Committee ang nangangalaga sa panghuhuli at pagkukulong sa Barangay Dog Pound ng mga walang bakuna, may sakit at pinabayaang gumala sa kalye at kapookan ng barangay
- b) Ang lahat ng asong makukulong sa Barangay Dog Pound ay aalagaan sa loob ng tatlong (3) araw, kung kailan ang may-ari ay maari itong tubusin sa halagang isang daan at limampung piso (150.00) sa unang (1) araw o dalawapuntang apat (24) na oras. Tatlong daang piso (300.00) sa pangalawang araw o sa loob ng apatnapu't walong oras (48) at limang daang piso (500.00) sa loob ng pitumpuntang dalawang (72) oras ng pagkahuli. Pagkatapos ng tatlong (3) araw ang mga asong nakakulong sa Barangay Dog Pound ay ililipat sa City Animal Pound na kung saan ito ay papatayin sa makataong pamamaraan.
- c) Maliban sa may-ari ng aso at sa mga awtorisadong humuli at magkulong ng mga asong may sakit, walang bakuna, maysakit at pinabayaang gumala sa kalye at kapookan ng barangay.

- d) Ang mga mamimili ng aso na makikita sa Barangay Gulod Itaas ay pagsasabihan tungkol sa ordinansang ito, ngunit kung magpapatuloy sa pamimili ng aso ay tuluyang huhulihin at ipaghaharap ng kaso sa hukuman o kaukulang tanggapan ng pamahalaan.

#### Seksyon 10. Karapatan ng mga naninirahan sa Barangay

Ang Gulod Itaas, Lungsod ng Batangas ay maging ligtas, malusog at kaaya-ayang panahanan ng kanyang mga mamamayan. Karapatan ng lahat na dito'y naninirahan ang buong komunidad ay masigurong ligtas sa panganib ng rabis na ikinakalat ng mga asong hindi maayos na naaalagaan ng may-ari at pinababayaang lumaboy sa lansangan o kapookan ng barangay.

#### Seksyon 11. Administratibong Multa o Bayad sa Pagsasaayos.

Ang sino mang lalabag sa Ordinansang ito ay maaaring magsaayos ng kanyang paglabag sa loob ng apatnapu at walong oras mula sa kanyang pagkahuli, ayon sa sumusunod

- a) Unang Paglabag – Multang P100.00 o isang araw na serbisyong pang komunidad;
- b) Ikalawang Paglabag – Multang P300.00 o tatlong araw na serbisyong pang komunidad;
- c) Ikatlong Paglabag – Multang P500.00 o limang araw na serbisyong pang komunidad;
- d) Ang ika-apat at sa mga susunod pang paglabag ay papatawan ng mulatnag P1,000.00;
- e) Ang lahat na multang malilikom ay ipapasok sa pondo ng barangay at gagamitin sa mga proyektong pambarangay.

#### Seksyon 12. Kaparusahang Maipapataw ng hukuman.

Ang sinumang lumabag sa ordinansang ito na hindi makakabayad ng administratibong multa na nasasaad sa sinusundang bahagi nito sa loob ng panahong nabanggit, ay ihahabla sa hukuman at siya ay maaaring parusahan ng multang hindi bababa sa P100.00 ngunit hindi tataas sa halagang P1,000.00 ayon sa diskresyon ng hukuman. Kung sakaling walang maibayad sa multa ang lumabag, magpapataw ang hukuman ng "Subsidiary Imprisonment" na isang araw sa bawat P100.00 multa Kung ang nagkasala ay isang Asosasyon, Bakasan o korporasyon, ang pangulo o namumuno ditto ang siyang mananagot.

#### Seksyon 13. Talatang Nagpapawalang bisa

Lahat ng probisyon ng anumang ordinansa, o resolusyon o atas pampangasiwaan ng Barangay na sumasalungat o hindi umaayon sa ordinansang ito ay mawawalang-bisa o kaya ay mababago.

#### Seksyon 14. Talatang nagbubukod.


Kung sa anumang dahilan ay ang alin mang bahagi ng ordinansang ito ay mapatunayang labag sa Saligang Batas o mapawalang bisa ang ibang bahagi nito na hindi saklaw ng paglabag ay magpapatuloy sa pagkakabisa.

#### Seksyon 15. Pagkakabisa

Ang Ordinansang ito ay magkakabisa makalipas ang sampung araw sa pagpapatibay ng Sangguniang Panglungsod.

Pinagtibay,

Kgg. Alberto A. De Ocampo  
Kgg. Jovita B. Geli  
Kgg. Antonio B. Beraña  
Kgg. Arlyn R. Cueto  
Kgg. Leonardo A. Cueto Sr.  
Kgg. Arturo P. Antonio Jr.  
Kgg. Democrito C. Magadia  
Kgg. Lea P. Dongon  
Kgg. Maria Veronica C. Cueto



\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

Punong Barangay  
Barangay Kagawad  
Barangay Kagawad  
Barangay Kagawad  
Barangay Kagawad  
Barangay Kagawad  
Barangay Kagawad  
SK Chairman